

«Հայաստանի Հանրապետությունում քիմիական նյութերի և խառնուրդների ռեեստր ձևավորող և վարող իրավասու մարմին ճանաչելու մասին» ՀՀ կառավարության որոշման նախագիծ

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

“___” _____ 2020 թվականի N ___ Ն

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ ԶԻՄԻԱԿԱՆ ՆՅՈՒԹԵՐԻ ԵՎ ԽԱՌՆՈՒՐԴՆԵՐԻ ՌԵԵՍՏՐ ՁԵՎԱՎՈՐՈՂ ԵՎ ՎԱՐՈՂ ԻՐԱՎԱՍՈՒ ՄԱՐՄԻՆ ՃԱՆԱՉԵԼՈՒ ՄԱՍԻՆ

Ղեկավարվելով «Կառավարության կառուցվածքի և գործունեության մասին» օրենքի հավելվածի 6-րդ կետով՝ Հայաստանի Հանրապետության կառավարությունը **ո ր ո շ ու մ է.**

1. Հայաստանի Հանրապետությունում քիմիական նյութերի և խառնուրդների ռեեստր ձևավորող և վարող իրավասու մարմին ճանաչել Հայաստանի Հանրապետության շրջակա միջավայրի նախարարությունը:

2. Հանձնարարել՝

1) Հայաստանի Հանրապետության Էկոնոմիկայի նախարարին՝ սույն որոշումն ուժի մեջ մտնելուց հետո երեքամսյա ժամկետում Հայաստանի Հանրապետության շրջակա միջավայրի նախարարի հետ համատեղ՝ արդյունաբերական ոլորտի ներկայացուցիչների մասնակցությամբ հաշվառել արդյունաբերական կազմակերպություններում առկա քիմիական նյութերը և խառնուրդները, որոնք գտնվում են շրջանառության մեջ կամ նախատեսվում է շրջանառության մեջ դնել Եվրասիական տնտեսական միության մաքսային տարածքում,

2) Հայաստանի Հանրապետության պետական եկամուտների կոմիտեի նախագահին՝ սույն որոշումն ուժի մեջ մտնելուց հետո մեկամսյա ժամկետում շրջակա միջավայրի նախարարությունն ներկայացնել 2015-2020 թվականների կտրվածքով Հայաստանի Հանրապետությունն ներմուծված և Հայաստանի Հանրապետությունից արտահանված քիմիական նյութերի և խառնուրդների վերաբերյալ տեղեկատվություն,

3) Հայաստանի Հանրապետության շրջակա միջավայրի նախարարին՝ քիմիական նյութերի վերաբերյալ Հայաստանի Հանրապետության կողմից վավերացված կոնվենցիաների իրականացմանն ուղղված ֆինանսական մեխանիզմների միջոցով տեխնիկական և ֆինանսական աջակցություն հայցել Հայաստանի Հանրապետությունում քիմիական նյութերի և խառնուրդների ռեեստրի ստեղծման համար:

3. Սույն որոշումն ուժի մեջ է մտնում պաշտոնական հրապարակմանը հաջորդող օրվանից: